

ԱՐՁԱՆԱԳՐՈՒԹՅՈՒՆ ԹԻՎ 1

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏ

30 օգոստոսի 2019թ.

ք.Իջևան

Նախագահ՝ Ա.Շ.Մարգարյան

Քարտուղար՝ Ք.Հ.Մխիթարյան

Ներկա էին խորհրդի անդամներ՝

1. Ալեքսան Շամիլի Մարգարյան –ղեկան, ֆ.մ.գ.թ, խորհրդի նախագահ
2. Քրիստինե Համլետի Մխիթարյան- քարտուղար, ասիստենտ, ՀՀ դիզայներների միության անդամ,
3. Համլետ Միհրդատի Ասատրյան –դոցենտ, ՀՀ նկարիչների միության անդամ, ֆակուլտետի գեղարվեստական խորհրդի նախագահ, „Գծանկարի, գունանկարի և քանդակի” ամբիոնի վարիչի ժ/պ
4. Լիլիթ Հենրիկի Ֆլջյան – դոցենտ, մ.գ.թ., <<Դեկորատիվ կիրառական արվեստի և դիզայնի>> ամբիոնի վարիչ, <<Դիզայն>> մասնագիտության կրթական ծրագրի ղեկավար
5. Անուշ Լյուբիկի Զիբուխյան- ասիստենտ, ՀՀ նկարիչների միության անդամ,
6. Տիգրան Վարդանի Բազամյան -ասիստենտ, ՀՀ նկարիչների միության անդամ
7. Գևորգ Մկրտիչի Զավրուշյան - ասիստենտ, <<Դիզայն>>ԿԾ ղեկավար
8. Իրինա Վարուժանի Փիրումյան- երրորդ կուրսի ուսանող, ՖՈՒԽ նախագահ
9. Նարա Աշոտի բադալյան- երրորդ կուրսի ուսանող , ՈՒԳԸ նախագահ
10. Դոնարա Գարիկի Մարգարյան-չորրորդ կուրսի ավագ

Օրակարգ

1. Ֆակուլտետի գիտական խորհրդի կազմի և 2019-2020 ուս.տարվա աշխատանքային պլանի քննարկում և հաստատում:/գեկ. Ա.Շ.Մարգարյան/
2. 2019-20թթ. ուս. տարվա I կիսամյակի դասացուցակների քննարկում:/գեկ. Ա.Շ.Մարգարյան/
3. 2019-2020թթ.ուստարվա առաջին կիսամյակի ուսումնական գործընթացի և նախորդ կիսամյակի լուծարքային շրջանի կազմակերպման նախապատրաստական աշխատանքների քննարկում:
/գեկ. Ա.Շ.Մարգարյան /
4. Ընթացիկ հարցեր :

ԼՄԵՑԻՆ - Ֆակուլտետի խորհրդի նիստը բացեց և օրակարգը ներկայացրեց դեկանի ժ/պ, խորհրդի նախագահ Ա.Շ.Մարգարյանը:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

Նիստը վարում էր Ա.Շ.Մարգարյանը:

Օրակարգի առաջին հարցի մասին զեկուցումով հանդես եկավ խորհրդի նախագահ Ա.Շ.Մարգարյանը: Նա սկզբից ներկայացրեց ֆակուլտետի խորհրդի նորացված կազմը, որը ընդգրկում է ֆակուլտետի ղեկավարությանը, պրոֆեսորադասախոսական առաջատար կազմին, արտաքին շահակիցների ներկայացուցիչներին, ուսանողական կառույցների ղեկավարներին և որոշ կուրսերի ավագներին: Այնուհետև ներկայացվեց ֆակուլտետի խորհրդի 2019-20թթ. ուստարվա աշխատանքային պլանը և նշվեց, որ վերջինս բխում է մասնաճյուղի 2016-2020թթ. ռազմավարական և ֆակուլտետի զարգացման պլաններից, որն ընդգրկում է բակալավրի ուսումնական պրոցեսների բոլոր գործընթացները:

Քննարկումից հետո եղավ ընդհանուր առաջարկ հավանություն տալ խորհրդի 2019-20թթ. ուստարվա աշխատանքային պլանը/ կցվում է արձանագրությանը/:

ՈՐՈՇԵՑԻՆ- Ներկայացնել տնօրենություն հաստատելու 2019-20թթ. ուստարվա ֆակուլտետի գիտական խորհրդի նորացված կազմը և աշխատանքային պլանը:

Օրակարգի երկրորդ հարցի վերաբերյալ զեկուցումով հանդես եկավ խորհրդի նախագահ Ա.Շ.Մարգարյան: Նա ներկայացրեց 2019-2020թթ. ուստարվա I կիսամյակի դասացուցակներն ըստ կուրսերի և կրթական ծրագրերի: Դասացուցակը կազմվել է „Դիզայն” մասնագիտության I, II, III և IV կուրսերի և „Կիրառական արվեստ,, մասնագիտության I կուրսերի համար՝ երկշաբաթյա /համարիչ և հայտարար/ գրաֆիկով՝ համաձայն ուսումնական պլանների և անհատական բեռնվածության:

ԱՐՏԱՀԱՅՏՎԵՑԻՆ- Համակարծիք լինելով ներկայացված դասացուցակին գիտական խորհրդի անդամները առաջարկեցին ներկայացնել տնօրենություն:

ՈՐՈՇԵՑԻՆ- 2019-20թթ.ուստարվա I կիսամյակի դասացուցակը ներկայացնել տնօրենության քննարկմանն ու հաստատմանը:

Օրակարգի երրորդ հարցի մասին ֆակուլտետի խորհրդի նախագահ Ա.Շ.Մարգարյանը հանդես եկավ ուսումնական գործընթացի կազմակերպման հետ կապված ներֆակուլտետային հարցերի վերաբերյալ հանձնարարականներով: Զեկուցողը ներկայացրեց օգոստոսի քսանվեցից իրականացված աշխատանքները, որոնք անհրաժեշտ էին ուսումնական տարին սկսելու համար: Այնուհետև Ա.Մարգարյանը ներկայացրեց առաջին լուծարքային շրջանի գրաֆիկ և հանձնարարեց ամբիոնի վարիչներին առանձնահատուկ ուշադրության դարձնել պարտքերի վերահանձնման գործընթացներին:

ՈՐՈՇԵՑԻՆ- Գործընթացի իրականանացման վերահսկողությունը դնել ֆակուլտետի ղեկանի և կրթական ծրագրերի ղեկավարների վրա:

Օրակարգի չորրորդ հարցի մասին հանդես եկավ ֆակուլտետի խորհրդի նախագահ Ա.Մարգարյանը և նշեց, որ առաջին կուրս են ընդունվել <<Դիզայն>> մասնագիտությամբ թվով 10 ուսանող, իսկ <<Դեկորատիվ կիրառական արվեստ>> մասնագիտությամբ թվով 14 ուսանող, որից երկուսը մեկնել են զինվորական ծառայության :Կուրսդեկ նշանակվել է նկ.միութ.անդամ, ասիստենտ Դ.Չիբուխյանը,ով

հատկապես սկզբնական շրջանում շատ անելիքներ ունի տեղեկատվական բնույթի, քանզի ԲՈՒՀ-երը և ԵՊՀ ԻՄ-ն ի տարբերություն դպրոցների ունեն առանձնահատկություններ՝ կապված ուսումնական գործընթացները կազմակերպելու, քննությունների և ստուգարքների անցկացման կանոնների և շատ այլ հարցերի հետ:

Ընթացիկ հարցերից կարևորվեց աշխատակիցների և ուսանողների կարգապահությանը վերաբերվող խնդիրներ , որոնք ենթակա են կատարման:

ՈՐՈՇԵՑԻՆ- 1.Առաջին կուրս ընդունված ուսանողների հետ տանել բացատրական աշխատանքներ, հարկ եղած դեպքում աջակցել կուրսղեկին՝ վերոնշյալ խնդիրները իրականացնելիս:

ՖԱԿՈՒԼՏԵՏԻ ԽՈՐՀՐԴԻ ՆԱԽԱԳԱՀ՝

Ա.Շ.ՄԱՐԳԱՐՅԱՆ

ՔԱՐՏՈՒՂԱՐ՝

Ք.ՄԽԻԹԱՐՅԱՆ